



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ინოჩენცი აბდონ ფერდინანდის ძე



ა. ინოჩენცი

ინოჩენცი აბდონ ფერდინანდის ძე (1856, რომი, - 3. XI. 1935, თბილისი), თბილისში მოღვაწე იტალიელი მოცეკვავე, ბალეტმანისტერი და პედაგოგი. მილანის საბალეტო სკოლის კურსდამთავრებული.

1882-84 ცეკვავდა იტალიაში ტურინისა და რომის თეატრებში, მილანის „ლა სკალაში“. 1884-87 მოღვაწეობდა კიევში, საქალაქო თეატრში, პარალელურად გახსნა საბალეტო სტუდია. 1887 მოიწვიეს თბილისში. 1894-მდე მუშაობდა თბილ. „სახაზინო თეატრში“ მთ. ბალეტმანისტერად. 1888-1920 ასწავლიდა იმხანად თბილისში ახლადშემოსულ და ძალზე პოპულარულ სამეჯლისო ცეკვებს თითქმის ყველა

სასწ. დაწესებულებაში – კადეტთა კორპუსში, წმ. ნინოს კეთილშობილთა სასწავლებელში, აგრეთვე ქალთა და ვაჟთა გიმნაზიებში. 1891 „სახაზინო თეატრში“ შედგა ი-ისა და მისი მეუღლის – მოცეკვავის, პედაგოგისა და ბალეტმანისტერის მ. პერინის ბენეფისი. 1895 მათ ჩამოაყალიბეს „საბალეტო და სამეჯლისო ცეკვების სტუდია“, რ-მაც 1930-მდე იარსება. სიცოცხლის ბოლომდე ეწეოდა პედ. მოღვაწეობას.

ლ. ჩხეიძე
